

Per ils pli pitschens

Di da las portas avertas en la grupp da gieu rumantscha a Lucerna

■ (cp) **A partir da la fin da november datti a Lucerna ina grupp da gieu rumantscha. Claudia Bühler e Tamara Monn mainan en collavuraziun cun la Lia Rumantscha (LR) il «rudi d'affons».**

Ils 21 da november a partir da las 14.00 infurmeschan ellas a chaschun d'in di da las portas avertas geniturs interessads en il center da la plaiv St. Michael davart lur lavur e filosofia. A partir da la fin da november ha la grupp da gieu per uffants da dus fin otg onns lura mintgamai lieu il venderdi suentermezdi.

«Nus vulain gidar a mantegnair la lingua rumantscha», motiveschan *Claudia Bühler* (27) e *Tamara Monn* (27) lur engaschament. «In suentermezdi l'emna duain ils pitschens avair la pussaivladad da discurrer e d'emprender rumantsch cun auters uffants.» Ultra da quai duai la grupp da gieu sustegnair ils uffants da sa distatgar dals geniturs e gidar els da chattar amis. Per satisfar a tut ils basegns han ins limità il dumber da participants sin diesch uffants. La grupp da gieu ha lieu a partir dals 27 da november 2015 adina il venderdi suentermezdi da las 13.30 fin a las 16.30. Ils uffants pon visitar duas fin quatter giadas il mais la grupp da gieu. Dal puntg da vista pedagogic èsi dentant impurtant ch'els visitian regularmain il «rudi d'affons», accentueschan *Claudia Bühler* e *Tamara Monn*.



Tamara Monn e Claudia Bühler.

MAD

Das dunnas dal fatg

Claudia Bühler ha fatg il 2013 il Bachelor of Science en lavur sociala cun profundaziun en lavur sociala. Avant ha ella fatg practicums en il circus d'uffants Lollypop ed en la canorta d'uffants Purzelhuus a Lenzburg.

Suenter ses emprendissadi sco assistenta da dentist ha *Tamara Monn* fatg in praticum dad in onn e mez sco spzialisti

sta da tgira d'uffants (FaBe) e terminà il 2013 ses emprendissadi sco spzialista d'assistenta a Turitg. Omaduas manadras da la grupp da gieu en creschidas si rumantsch/tudestg.

Durada: Dals 27 da november 2015 fin ils 8 da fanadur 2016 mintgamai il venderdi da las 13.30 fin las 16.30.

Adressa: Rudi d'affons, Pfarreizentrum St. Michael, Rodteggstrasse 2, 6000 Lucerna, e-mail: rudi.romantsch@gmx.ch